



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 34 DE SU 22/02/2023

OGETU: AVALORAMENTU DE S' ACANTONAMENTU OBLIGATÒRIU A SU FUNDU DE GARANTZIA DÈPIDUS CUMERTZIALIS – ANNU FISCALI 2023 (ART. 1, C. 862, L. 145/2018).

S' annu 2023, su 22 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

Nòmmini e Sangunau

Beniamino Garau
Dessì Donatella
Frongia Pietro
Montis Giovanni
Sorgia Silvia
Solinas Marco
Garone Katuscia

Càrriga

Sìndigu
Assessori
Assessori
Assessori
Assessori
Assessori
Assessori

Presenti

Eja
Eja
Eja
Eja
Eja
Eja
Eja

Presentis: 7

Ausentis: 0

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Cunsiderau chi cun deliberatzioni de Consillu Comunali n. 66 in dii 05/08/2022, esecutiva cunforma a sa lei, s'est aprovau su Documentu Ùnicu de Programatzioni (DUP) 2022/2024 e s'annotadura de aggiornamentu;

Postu chi cun deliberatzioni de Consillu Comunali n. 67 in dii 05/08/2022, esecutiva cunforma a sa lei, s'est aprovau su bilàntziu finantziàriu de previsionì 2022/2024 aprontau cunforma a su d.Lgs. n. 118/2011;

Postu chi sa Giunta comunali cun deliberatzioni n. 151 de su 09/08/2022, esecutiva cunforma a sa lei, at aprovau su Pianu Esecutivu de Gestioni (P.E.G.) po is tres annus 2022/2024;

Biu su D.M. de su 13/12/2022 publicau in GU n. 295 de su 19-12-2022 chi autorizat s' esercìtziu provisòriu e si trantzit a su 31/03/2023 su tèrmini po sa deliberatzioni de su bilàntziu de previsionì 2023/2025 de is entis localis;

Biu su coma 775 de s' art. 1 de sa L. 29 de idas 2022, n. 197 (Lei de bilàntziu 2023) chi previdit ca su tèrmini po s' aprovatzioni de su bilàntziu de previsionì po su 2023 siat trantzit a su 30 de abrilì 2023".

Donau atu chi sa Giunta Comunali cun deliberatzioni n. 7 de su 25/01/2023 at aprovau su PEG provisòriu po s' annualidadi 2023;

Donau atu chi s'est aprontendi su schema de bilàntziu de previsionì 2023/2025;

Biu s'art. 1, c. 862, L. 30 de idas 2018, n. 145, chi previdit: "862. In cabu de su 28 de friàrgiu de s' esercìtziu in su cali funt bessidas a pillu is cunditionis pertocantis su coma 859 arrelatadas a s' esercìtziu antetzedenti, is aministratzionis diferentis de is aministratzionis de su Stadu chi imperant sa contabilidadi finantziària, finas in s' interis de sa gestioni provisòria o exercìtziu provisòriu, cun delibera de giunta o de su consillu de aministratzioni, stàntziant in sa parti currenti de su bilàntziu un' acantonamentu chi ddi nant "Fundu de garantia dèpidus cumertzialis", asuba de su cali no si podint fai impinnus e pagamentus, chi a s'acabu de s' exercìtziu nc' intrat in sa cuota acantonada de s' arresurtu de aministratzioni, po una suma chi torrat paris: a) a su 5 po centu de is stantziamentus chi pertocant in s' exercìtziu in vigèntzia su gastu po comporai benis e servìtzius, in s' in casu no nci siat smenguamentu de su 10 po centu de su dèpidu cumertziali chi nc' abarrat opuru po ritardus de prus de sessanta diis, registraus in s' exercìtziu antepostu; b) a su 3 po centu de is stantziamentus pertocantis in s' exercìtziu in vigèntzia su gastu po comporai benis e servìtzius, po ritardus intre trintunu e sessanta diis, registraus in s' exercìtziu antepostu; c) a su 2 po centu de is stantziamentus pertocantis in s' exercìtziu in vigèntzia su gastu po comporai benis e servìtzius, po ritardus intre ùndixi e trinta diis, registraus in s' exercìtziu antepostu; d) a s' 1 po centu de is stantziamentus pertocantis in s' exercìtziu in vigèntzia su gastu po comporai benis e servìtzius, po ritardus intre unu e dexi diis, registraus in s' exercìtziu antepostu";

Pigau atu chi custu òbligu intrat in vigèntzia de s' esercìtziu 2021, cunforma a s'art. 1, c. 859, L. n. 145/2018: "859. Cumentzendi de s'annu 2021, is aministratzionis pùblicas diferentis de is aministratzionis de su Stadu e de is entis de su Servìtziu sanitàriu natzionali, de su cali a s'art. 1, c. 2, de sa lei 31 de idas 2009, n. 196, ponint in aplicu: a) is mesuras de su cali a sa litera a) de is corrieddas 862 o 864, si su dèpidu cumertziali residuu, de su cali a s'art. 33 de su decretu legislativu 14 de martzu 2013, n. 33, bessiu a pillu a s'acabu de s' esercìtziu antepostu no si siat smenguau assumancu de su 10 po centu cunforma a su de su segundu exercìtziu pretzedenti (antepostu). Custas mesuras no si ponint in aplicu chi su dèpidu cumertziali residuu scadiu, de su cali a s' artìculu 33 de su decretu legislativu n. 33 de su 2013, bessiu a pillu a s'acabu de s' exercìtziu antepostu, no est superiori a su 5 po centu de su totali de is faturas arricidas in su pròpiu exercìtziu; b) is mesuras de su cali a is corrieddas 862 o 864 chi arrespetant sa cundizioni de su cali a sa litera a), ma presentant unu indicatori de ritardu annuali de is pagamentus, calculau apitzus de is faturas arricidas e scadias in s' annu pretzedenti, chi no arrespetant is tèrminis de pagamentu de is transatzionis cumertzialis, cunforma a s'artìculu 4 de su decretu legislativu 9 de su mesi de ladàmini 2002, n. 231";

Averiguau chi, cunforma a s' art. 1, c. 861, L. n. 145/2018: "861. Is indicatoris de su cali a is corrieddas 859 e 860 ddus ant stabilius po mèdiu de sa prataforma eletrònica po sa gestioni telemàtica po s' intregu de is certificatzionis de su cali a s' artìculu 7, corriedda 1, de su decretu-lei 8 de abrili 2013, n. 35, mudau de sa lei 6 de làmpadas 2013, n. 64. Is tempus de ritardu funt stabilius tenendi contu finas de is faturas scadias chi is aministratzionis no ant ancora pagau. Is entis chi si giuant de custa facultadi faint sa comunicatzioni de su cali a su coma 867 cun riferimentu a s' exercìtziu 2019 fintzas si ant adotau su sistema SIOPE+. (...) Sceti po is exercìtzius 2022 e 2023 is aministratzionis pùblicas de su cali a is comas 859 e 860 podint elaborai s' indicatori pertocanti su dèpidu cumertziali residuu cunforma a is datus contàbilis suus, de chi s'est imbiada sa comunicatzioni de su cali a su c. 867 pertocanti is duus exercìtzius antepostus finas de parti de is aministratzionis pùblicas sugetas a sa rilevatzioni SIOPE de su cali a s'art. 14, c. 6 e imbenientis, de sa lei 31 de idas 2009, n. 196, e de chi s' est averiguada sa regularidadi aministrativa e contàbili de parti de s' òrganu cumpetenti";

Pigau atu chi:

- sa lei de bilàntziu 2019 at apostivigau un' òbligu nou de acantonamentu de resursas currentis po is entis chi no arrespetant is tèrminis de pagamentu de is transatzionis cumertzialis o no smènguant su dèpidu pregressu o no manìgiant a manera curreta sa prataforma de is crèditus cumertzialis (PCC);
- cumentzendi de su 2021, is indicatoris po monitorai su dèpidu pregressu e po mesurai sa prontesa de is pagamentus funt calculaus sceti de sa PCC;
- is indicatoris apitzus de su ritardu annuali de is pagamentus e de su dèpidu cumertziali residuu, de pigai comentì riferimentu po s' aplicu de is santzionis (acantonamentu a su FGDC) bolint calculaus asuba de is informatzionis presentis in PCC;
- sceti po is exercìtzius 2022 e 2023, si permitit su càlculu de s' indicatori asuba de is datus contàbilis, fata chi siat sa comunicatzioni a sa PCC de su stock de dèpidu pertocanti is duus exercìtzius antepostus (po su 2023, s'est chistionendi de su 2021 e de su 2022), apustis de sa verìfica de s' òrganu de revisioni;

Cunsideraus is indicatoris po s' exercìtziu 2022;

Pigau atu chi, cunforma a is datus de sa PCC, custu enti depit acantonai po s' esercìtziu 2023 sa suma de € 99.136,99 a tìtulu de Fundu de garantzia dèpidus cumertzialis, comenti determinau in s' allegau a custu provedimentu etotu;

Postu chi:

- po su chi spetat custu fundu no funt permìtius impinnus e pagamentus;
- a s'acabu de custu esercìtziu custu rapresentat un'economia de gastu chi ambaduu is paràmetrus funt arrespetaus;
- a s'acabu de custu esercìtziu custu intrat in sa cuota acantonada de s' arresurtu de aministratzioni chi s' enti no arrespetat, cun riferimentu a s' esercìtziu antepostu, finas sceti una de is cunditziunis previdias de su coma 859 giai arremonau (smenguamentu de su 10% de su stock de dèpidu e arrespetu de is tempus de pagamentu);

Arriciu parri a favori de regularidadi tècnica e contàbili, cunforma a s'art. 49 de su d.Lgs. n. 267/2000, de sa Responsàbili de su Setori Finanziàriu;

Biu su d.Lgs. n. 267/2000;

Biu su d.Lgs. n. 118/2011;

Biu su Statutu Comunali;

Biu su Regulamentu comunali de contabilidadi in vigèntzia;

Cun votazioni a totòmini cunforma a sa lei,

DELÌBERA

De acantonai, cun variatzioni de s' esercìtziu provisòriu e aproveni su bilàntziu de previsionì, cunforma a s'art. 1, c. 862, L. 30 de idas 2018 n. 145, po s' esercìtziu 2023 sa suma de € 99.136,99, a tìtulu de Fundu de garantzia dèpidus cumertzialis, comenti determinau in s' allegau (parti integranti e sustanziali) a su presenti provedimentu, in su capìtulu 860001 de su bilàntziu de previsionì 2023/2025;

De donai atu chi custu acantonamentu at a essi adeguau a is variatzionis de bilàntziu in s'interis de s' esercìtziu;

De decrarai chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.
